


Macaafa Qulqulluu Daa'immaniif Dhihaate

Yeroo Waaqayyo wantoota hundumaa itti hojjete



Kan barreeffame: Edward Hughes
Kan ibsame: Byron Unger; Lazarus

Kan hiikkame: Zemendale Translation Service
email: zemendale@gmail.com Po Box 32155, Addis Ababa, Ethiopia

Story 1 of 60

Kan dagaagsame:
Bob Davies; Tammy S.

www.M1914.org

Bible for Children, PO Box 3, Winnipeg, MB R3C 2G1 Canada


Eeyyama: Seenaa kana hamma hin gurgureetti garagalfacuu ta'ee Maxxansiifacuu ni dandeessu.

Afaan Oromoo


Eenyutu nu uumee? Macaafni Qulqulluun, Sagaleen
Waaqayyoo, akkamittin akka qacceen dhala namaa
akka itti jalqabe nutti ni hima. Bara dheeraa dura,
Waaqayyo nama jalqaba duraa Addaam
jedhamu ni uume.




Waaqayyo biyyoo lafarraatii Addaamiin uume ture.
Waaqayyo yommuu jireenya Addaamitti baafatee
turetti, inni lubbuu ni godhate. Inni ofii isaa iddoo
baay'ee bareedu Edanitti of ni arge.




Waaqayyo Addaam uumuu isaatiin dura,
Inni Biyya lafaa bareedaa isa wantoota
dinqii ta'aniin guute ni uume.




Sadarkaa sadarkaadhaan Waaqayyo iddoowwan ol
ka'an fi iddoowwan mukkeen fi marga hin qabne
callabbaa'oo, abaaboowwan bibittinnaa'ani
biqilonii fi mukeen dhedheeroo, ...




... sinbirroota laboobbaa babbarreedoo
qabaniifi kanniisota xiixan, shaarkii laga daaku
fi munyuuqqataa lafarra munyuuqu ni uume,
dhugumatti wanti Waaqayyo achitti uume
hundii waanuma hunda ture.




Jalqaba hundaa dura, Waaqayyo waan hundaa
uumuu isaatiin dura Waaqayyo
malee wanti jiru hin jiru ture.
Namooni ykn wantoonni ykn
iddoowwan tokkollee hin
jiran turan. Homtu
hin jiru ture. Ifnii fi
dukkanni tokkollee hin
jiru ture. Ol ka'uufi gad
bu'uun tokkollee hin jiru
ture. Kaleessis ta'ee bor
wanti jedhamu hin jiru ture.
Waaqayyo isa jalqaba hin qabne qofaatu jira ture.
Sana booda Waaqayyo hojii isaa ni hojjete!




Jalaqabarratti, Waaqayyo
bantiiwwan Waaqaaf
lafaa ni uume.



Lafftiis immoo bifa hin
qabdu ture. Dukkannis
gadifageenyaan
ni jira ture.
Sana booda
Waaqayyo
dubbatee
"Ifni
haa
ta'u"
jedhe.




Sana booda ifni ni ta'e, Waaqayyo ifichaan Guyyaa jedhee, dukkanichaan Halkan jedhee ni moggaase, galgallis ta'e, ganamnis ta'e; kun guyyaa tokkoffaadha.



9

Guyyaa lammaffaatti, Waaqayyo bishaan galaanaa garbaa ni uume. Guyyaa sadaffaatti, Waaqayyo laftii goggogaan haa ta'u jedhee ni abboome. Innis ni ta'e.




10

Waaqayyo dabalataanis margaa fi illiiwwan akkasumas mukkeen gaggabaaboo akka ta'an ni abboome. Isaanis ni ta'an. Halkanis ta'ee, ganamnis ni ta'e, guyyaan sadaffaan akkasiin ta'e.




11

Sana booda Waaqayyo biiftuu, ji'a (Addeessa), akkasumas urjiiwwan danuu kanneen eenyuyyuu isaan lakkaa'uu hin dandeenye ni uume. Galgallis ta'ee ganamnis ta'e kun guyyaa arfaffaadha.




12

Uumamoonni galaanaafi qurxummiinfi allaattiiwwan tarreeffama Waaqayyoo keessa jiru turan. Guyyaa shanaffatti qurxumiiwwan gudguddoo fii qurxummiwwaan shishiiffee ni uume, guchii miilla dhedheeraa fi sinbirroowwan xixiwqqoo nama gamachisan ni uume.



13

Waaqayyo bishaan lafarraa akka guutaniif qurxummiwwaan, akkasumas lafa galaanaa fi saamii fi sinbiroota ni uume. Halkaniis ta'ee ganamnis ni ta'e ini kunis guyyaa shanaffaadha.



14

Sana booda Waaqayyo deebisee ni dubbate. Innis "Lafti uumama lubbuu qabeeyyii haagodhatan" ni jedhe. Bineesoni bifa kamiyyuu fi ilbisonni fi bineensoni lafarra munyuuqan ni uumaman.




15

Arboota lafa sochoosan danuu fi bineensa bishaan keessa jiraatan ni ta'an jaldeessotaa fi qamaleewwan gowwoomsotoonni fi naachonni sodaachisaan ni uumaman. Raammoowwan lafarra asiif achii marmaaran fi bineensoni xixiqqoon lafarra deddeeman ilmoolee adurreewwanii sagalee namatti tolu baasan ni uume. Bineensi bifa kamiyyuu guyyaa sanatti Waaqayyoon ni uumaman. Halkanis ta'e ganamniis ni ta'e, inni kunis guyyaa ja'affaa ture.




16

Waaqayyo guyyaa jahaffaa irratti wanta gara biraa ni uume- Wanta baay'ee adda ta'e tokko. Wantii hundiinuu yeroo kana ilma namaatiif kan qophaa'e ture. Nyaannii lafa guuttee ture. Akkasumas immoo kan isaaf hojjetan bineensoni ni jiru.



17

Waaqayyos "Kottaa! Akka bifa keenyaattis nama ni uumna. Innis wanta lafarra jiru hundumaattuu mootummaa haa qabaatu." KANAAF WAAQAYYO AKKA FAKKEENYA ISAATTI NAMA NI UUME ...



18

Waaqayyo Addaamiin "Wanta nyaachuu barbaaddu iddoo qannootii nyaadhu. Garuu immoo muka gaariif hamaa akka beekan taasisu irraa hin nyaatin. Muka sanarraa ni nuttaa yoo ta'ee dhugumaan ni duuta" ittiin jedhe.



19

Sana booda Waaqayyo Gooftaan, "Namni kophaa ta'uun isaa gaarii miti. Kan isa gargaaru isa barbaachisa." Waaqayyo sinbirrootaa fi bineensota sodachiisan Addaamiif ni uume.



20

Addaamis hunduma isaaniitiifuu maqaa ni moggaase. Inni wanta akkasii kana gochuuf baay'ee cimaa ture.


Garuu imoo allaattiiwwan/simbirroota sanaafi bineensota sana keessaa kan Addaamiif gaarii hin turree ni jiru turan.



21

Waaqayyo Addaamitti hirriiba baay'ee guddaa ta'e tokko itti buuse. Lafee cinaacha nama rafaa jiruu kanaa irraa fottogsuudhaan. Waaqayyo lafee cinaachaa Addaam irraa Dubartii ni uume.

Dubartiin Waaqayyo uume Addaamiif kan sirrumatti michuu taatuuf turte.



22

Waaqayyo guyyaa jaha keessatti waan hundumaa ni uume. Sana booda Waaqayyo guyyaa torbaffaa eebbisee guyyaa boqonnaa ni taasise.



23

Iddoo qannoo Edan keessatti, Addaam fi niitiin isaa Hewaan muudaa tokko malee gammachuudhaan Waaqayyoof abboomamaa turan. Waaqayyo Gooftaa isaanii, wanta isaan barbaachisu hundumaa kan isaaniif qopheessuufi hiriya isaanii ture.



24

Yeroo Waaqayyo wantoota hundumaa itti hojjete

Seenaa Sagalee Waaqayyoo Macaafa Qulqulluu

kan keessatti argamu

Seera uumamaa 1-2

"Saaqamuun dubbii keetii ifa in kenna."
Faarsaa 119:130

Waaqayyo wanta hamaa isa Inni cubbuu jedhuun akka raaw'anne ni beeka. Adabbiin cubbuu du'a.

Waaqayyo garuu guddaa nu jaallata, kanaaf Tokkicha Ilma Isaa Yesuus cubbuu keenyaaf akka fannoorratti du'uufi akka adabamuuf dabarsee nuuf erge. **Yesuus gara jireenyaatti deebi'ee** gara Waaqaa ni deeme! Amma Waaqayyo cubbuu keenyaaf nuuf dhiisa.

Cubbuu keerraa deebi'uu yoo barbaadde, Waaqayyoon akkas jedhi: Yaa Waaqayyo Yesuus akka anaaf du'eefi amma deebisee jiraatu nan amana. Jireenya haaraa akkan qabaadhee bara baraa Si wajjin akkan jiraadhuuf maaloo gara jireenya kootti koottuutii cubbuu kootiif naaf dhiisi. Akka mucaa keetti akkan jiraadhuuf na gargaari. Ameen.

Wangeela Yohaannis 3:16

Macaafa Qulqulluu dubbisiitii guyyuma hundumaa Waaqayyoo wajjin dubbadhu!